

# 卷三

書名 烏鼠山人小集十六卷後集二卷 嘉靖十八年刊本  
 撰者 明 胡纘宗 撰  
 卷三  
 內容分類 集- 別集- 明中葉  
 索書號 集部- 別集- 7- 40  
 編號 D7433900

[彩色首頁1](#)  
[彩色首頁2](#)

[東洋文化研究所漢籍目錄 編號: D7433900](#)  
[東洋文化研究所漢籍目錄所藏漢籍善本全文影像資料庫 索書號: 集部- 別集- 7- 40](#)  
[漢籍善本全文影像資料庫文本烏鼠山人小集十六卷後集二卷 嘉靖十八年刊本](#)  
 版權所有: [東京大學](#) [東洋文化研究所](#)  
[使用上的注意事項](#)

鳥鼠山人後集卷之一

諸子胡祕 諸生關畿校

古體四言 長短句附

我結

贈籍野馬翁以進也翁 肅府引禮舍人

我廬于籍之西嶓山連阜天水循谿秋空倚  
 野杖藜澄波鯉躍修竹鸞棲我觴我友于籍

我社于籍之東西望義闕北眺軒宮卦爻穆

所究研京東院學化文方東

No. 1698











寒米初凍霜團月更明逢人問前館鳥外即山城  
宿平羗驛二首

繫舟聊爾待投館若為分月引三溪樹山分九嶺雲  
花影燭邊見蟲聲席上聞相談渾不寐爐麝鼻餘薰  
山丘一里遠村落數家清竹與雲俱密風於鳥欲輕  
驛邊舟泛泛江上月盈盈抱病聊歌枕詩懷客思并  
發羅江即事

水滸家家竹山原處處村雲生新漢樹江出播松源  
哭賊聲猶痛愁軍氣欲吞兵戈翻勝負輾轉向誰論  
再答胡德陽

竹映穿城水雲屯傍郭村此方即輞谷何處是桃源





興逸詩堪畫吟酣杯欲吞閭闔備辛苦借筋爲君論

南莊

崖上崖下竹舍南舍北雲野人時載酒漁父共論文  
赤壁舟初泛滄浪歌遠聞等閒醉醪酖端的謝續紛

發眉州

江樹起春聲江雲繫客情舊山元有姓眉有山以細  
峯彭得名草不知名桃李花初重鷗鳧翅欲輕不堪兵火地下  
馬問孤筇

發青神縣

石磴盤江澣茅亭瞰柳堤地因蘇氏重山與岱宗齊  
齊北猶兵燹巴東亦鼓鼙昇平知有日愁聽路人啼

同尹之先楊民喻遊流杯池入龍巖寺

醉入龍巖寺坐聞松竹聲鳥栖一枝穩雲放萬山晴

思出高岑逸興同陶韋清晚來蕩輕槳春月半江明

冗

不道朝朝冗真堪處處安心勞慚政拙性癖覺詩難  
九月雲光淡三江風色寒背巖蒼鬱處花意不曾殘

次中巖四首

舟攜橋下右波撼月中樓曲磴循松入縣泉傍鳥流  
青蒼千樹出紅紫百花收有景誰能道吾將終日留  
並筍雲爲籜重巖石作梯橋平花在水簾捲月當溪  
鳥擇千松亂風扶萬竹齊絕勝清麗地一一未能題



石筍雲生處山梯花發時樓臺半隱見松竹共歲華  
懸壁泉交瀉危橋藤倒垂莫辭歸去晚山意總相宜  
繫舫天初霽尋詩日未曛鳥投千樹月松鎖一山雲  
石榜苔初繡谿亭水遠分棹歌驚客枕況復夜深聞  
過什邡有感呈六叔父

叔父遷官近郎官應宿尊况逢桃滿縣又得水盈村  
辭見陶歸樂騷知屈去寃南皮有書硯清白本家門

席上

昨夜春雨足今日春風饒舊樹柳將密新聲鶯欲嬌  
倚簫歌窈窕邀月坐逍遙不盡主人意攜樽江上橋

夜行

山木春催山鳥起春聲野雲兼黑浮橋水獨  
星疎河欲掩風急樹還生誰道夜行好晝行天更清

西征贈彭宮保

雲捧黃金殿香浮白玉臺臨軒天子送秉鉞相公  
來舊策三韜出新圖八陣開丁寧巴蜀詔早晚凱歌  
回

席上荅盛太守越學正次韻

秣馬欲兼程座中楊柳聲乾坤元混沌花鳥各分  
箇箇田夫喜家家春水生醉同知己飲風雨一

登陳伯玉讀書臺

絕代文章客瞻依倍感傷正音先李杜大雅失王楊



山色金華重江聲獨坐長  
萋萋芳草合明月下空堂  
出郭過萬壽寺二首

十日城中坐一朝郭外行  
高雲乘逸興平野適閒情  
鷺立橋邊影泉翻石上聲  
登臨聊借榻長嘯萬山聒  
野寺暫徘徊城中車馬催  
參差多古木屈曲有高臺  
門迴藤蘿出堂空雲霧開  
山僧具袈裟揖客問何來

齋夜

城上三台迥壇邊九泝  
水名彎鳥飛風落樹雲起月  
含山蒞豔崇籩豆冠裳肅  
珮環從容畢典祀猶是戴

王氏三莊

梓人王氏盛別業畫屏開  
萬木參差出千山次第  
飛煙外樹花繡月中苔  
奎壁明年兆重看列一

聖節寓高橋道中

清秋白日長天子壽龍觴  
御氣浮華蓋紅雲出畫  
章嵩呼十國賀臚唱四夷  
王百拜遙山館魂飛更下  
堂

別林憲副廷元

姑蘇臺上  
偶然作

望望滇南道春雲捧去旌  
不須論遠近自可見澄清  
彩服歡承繡瓊枝厭聽鶯  
姑蘇今夜月的的為君明  
陪宋郎中義卿袁郎中載道登尹山

尹山饒水行十里徇吳門  
望極崆峒遠聽餘鷓鴣



雷聲忽風雨帆影自乾坤入座依韓孟情投欲倒樽  
明水草堂與黃生勉之二首次韻

隔橋梅柳色若與虎丘分小棹堪乘月低墻欲度雲  
尋詩凌漢魏對易見羲文念爾鷓鴣翻扶搖自不群  
湖光瀟野色混沌若為分萬畝凌波月千溪入戶雲  
捲簾山出畫移棹水生文小陸名初重飄然已冠群

康莊道上次韻

暫輟牽舟興還為策馬行碧浮村樹合紅映海雲生  
已見南風至猶聞春鳥鳴滄浪復幾許何處濯吾纓

懷毛汝勵御史次韻

...

池若新句穩風雨舊情長記得春江上官花發共持

水部陳伯度觀物亭亭有葵萱桃

亭是何年構名因今雨題花傾紅日近草映北堂迷  
之子桃應灼誰家荆欲齊琅玕相對處爭覩鳳凰棲

東倪尹公在

十年逢鮑叔握手盡寒温白雪探盈卷春風倒滿樽  
上都新令尹北闕舊黃門能使閭閻頌謫仙名自尊

東風

東風何處來吹我征衣裳嫋嫋柳條細纖纖麥葉長  
亂雲團野戶集鳥下林塘借問春歸未桃花酒滿觴  
登大龍山次韻



澌澌水千畝翩翩竹數丘舊時黃閣老何地赤松遊  
鶴舞雲中樹龍吟石上湫會須沃海宇不獨潤舒州

護月

護月夜初深凌霜客未禁只愁雲更掩不分翳常侵  
伐鼓千官力攀蟾萬國心山河含素魄拜罷獨沉吟

次韻荅張刑部孟復

征夫情獨深閨婦意難禁  
重蟾蝕塵高豺虎侵  
相公應握髮太史亦驚心  
賴有杜工部時時江上吟

次韻再荅張刑部三首

江畔草堂深尋詩思不禁後  
湖漁未歇鍾阜獵猶侵  
輾轉關山夢艱難魏闕心  
出門重搔首梁父一長吟

江東愁欲深渭北思難禁  
討叛功名薄旋師歲月侵  
山河壯士力芹鼎野人心  
阮籍多才思徘徊獨苦吟  
風勁客堂深殘花半不禁  
潮生江月起山斷野雲侵  
汗簡千年事庭闈萬里心  
攜樽向采石欲共謫仙吟

別留徽州克全

姑孰經旬合蕪湖數日留  
聯牀坐風雨並馬話山丘  
月下李白醉江邊杜甫愁  
橋頭忽分首相對各悠悠  
何池州移樹結屋初成而予適至座上索題

春風移白楊夏日蔭虛堂  
石裛翠微潤花含玉井香  
主人初下榻客子遠攜觴  
更欲邀山月吹笙引鳳凰

文殊寺漫興



田隣客不至雞犬聲相聞處處新  
禾長家家春酒醺  
青山飛白鷺碧樹抹蒼雲  
澗過橋邊寺徘徊日未曛  
次文殊寺

又入文殊寺雲高秋欲晴  
梵餘僧坐寂定起衲衣輕  
滿戶松梧色當橋鐘磬聲  
即今秋水發何日渡宜城  
席上贈李生蜀人

江邊逢李白待月坐滄洲  
采石詩千首匡廬酒百甌  
風飛紅葉細波動白雲稠  
天子呼還醉長安吟未  
休

贈丁貢士兼東戴太守

聞道丁生去悠悠詩思長空懷  
孟東野忍別張文昌

空山月白杯泛水雲香  
吳惜江邊醉行行非故鄉  
寄席材同黃門

長沙天上客何日召金門  
敢諫臣無草當誅君有意  
夢回青瑣切春在綠羅溫  
相憶還千里漫漫江水濱  
郊亭留別楊參戎林何二郡丞

繫馬立郊門青山酒一尊  
元戎分小隊群從啟高軒  
鶴起楚雲盡雪消巴水渾  
茅堂一回首四榻麝酒溫  
登靈泉寺二首次韻

靈石山上石泠泠山下泉  
千松盤路細孤塔倚城偏  
花發韶年麗春晴物色鮮  
躡巖凌絕頂咫尺五雲天  
城陰覆古寺峰影落虛泉  
背嶺通村密綠崖置屋偏



風閒千鳥逸煙暖百花鮮  
雙鶴翩躚起憑高坐碧石天  
登龍湫

獨步登龍湫空中湫水流  
倒垂石砌泮迴合山浮游  
覓句捫蘿久探囊藉草  
猶不知王子晉何處載笙遊

與李川父夜酌

與子話溪頭溪虛雲欲流  
情長燒燭短坐密放杯稠  
濯足洞庭水題詩黃鶴樓  
文星逼牛斗萬里李膺舟

贈李濟之

李白向何處江雲流素輝  
蒼梧碧樹出洞庭黃鶴飛  
故鄉看鐵筆遊子戀斑衣  
明月登樓夜高山在玉微

弄璋戴仲鵬夜坐

與子坐連夕灑然吟思清  
松筠流月影瀟灑送雪聲  
抗疏金閨彥傳經鳳閣名  
蛟龍起池上風雨動江城

寄曾教諭漢

一代曾南豐才名誰與同  
師儒憐澤國芹泮揖高風  
名出坡翁右家居山谷東  
題詩寄千里廬岳共龍從

涪翁山谷三首

摩詩坐山谷谷水天邊流  
篆密蛟龍動潭空牛女浮  
藤盤玉齒齒竇寫雲悠悠  
欲續西崑調探囊行復留  
山齋留絕代谷寺傍行宮  
雲臥青牛穩天籟白鶴空  
廟堂無太史泉石有涪翁  
斷壁題詩處寒煙玉滿叢  
曉起入山谷綠蘿煙霧開  
隋皇遙許地漢帝獨留臺



絕代絲綸客當朝柱石才山名垂宇宙鶴錫浪飛來  
次韻湖東草堂贈歸生體之

湖西草色青湖東花氣氛潮生沙甫月風約洞庭雲  
半簾呼鶴至一榻與鷗分朝引蓬瀛客仙郎有令聞

登塔

登塔意何極乘鵬欲御風手探月出窟足躡雲行空  
指顧幽燕上徘徊河漢中庭闈只咫尺恍惚俯崆峒

分得白鶴觀

登臺日未暝倚洞草猶薰相傳洞有香泥驚錫翩躚起開壇  
縹緲分皖山松度月瀉瀉水石巢雲細路臨蒼碧天邊

錦繡紋

天柱寺

寶誌昔分寺左慈今別山漢臺凌帝座唐竈俯人寰  
枕上三峯出壇邊孤鶴還四時對蒼雪瀑布晴潺潺

登天柱閣二首

吳在其南楚在其西斗牛分野

與客上江樓橫江山欲浮雲當天柱出月傍小孤流  
帆外收吳楚樽前落斗牛瀟漫忽千里倚檻思悠悠  
舊嶽摩霄近新樓倚岸明星河上下動日月東西生  
雲起吳山盡潮來巴水平憑高還萬里廊廟不勝情

情

城上天柱晴城下天柱明窓含千嶂小簾度萬帆輕  
草樹村落落溪橋岸岸平登樓王粲興放鶴謝安情



吳塘陂新成二首

千里聲濤潏陂塘水不慳笑涵天柱影愁破院公顏  
鑿玉翠微濕流雲碧漢鸞行行見新柳晴日鳥綿蠻  
榜舟入新堰柳暗綠沄沄鑿却藍田玉分將天柱雲  
桑野家家沃風花處處芬陂名垂宇宙一力媿吾分

烏鼠山人小集卷之三

烏鼠山人小集卷之四

國子生吳郡馬驥校

國子生門人長洲歸仁編

七言近體九十五首

汧山書院

城北山高擁樹青城南月小傍樓明連谿雨過草花  
發深院客眠春鳥鳴方伯有書今萬卷郎官能賦亦  
西京輕雲此地堪攜杖流水何人解濯纓

壽涯翁少師

蒼生此日稱元老 天子當年識聖童一代文章真  
獨步四朝勲業許誰同斗山望切雲霄上桃李心酣